



МОНГОЛ УЛСЫН
ЭРҮҮЛ МЭНДИЙН САЙДЫН
АЛБАН ДААЛГАВАР

2017 оны 12 сарын 28 өдөр

Дугаар 06

Улаанбаатар хот

Эмнэлгийн тусламж, үйлчилгээний
хүртээмжийг нэмэгдүүлэх тухай

Төсвийн тухай хуулийн 46 дугаар зүйлийн 46.1, 47 дугаар зүйлийн 47.1.5 дахь заалт, Сангийн сайдын 2017 оны 216 тоот тушаалаар батлагдсан “Төсвийн зарлагын хэмнэлт, үндсэн үйл ажиллагааны орлогыг зарцуулах, тайлагнах, нягтлан бодох бүртгэлд тусгах, хяналт тавих журам”-ын 1.3.1-ийг үндэслэн эмнэлгийн тусламж, үйлчилгээний хүртээмжийг нэмэгдүүлэх, төсвийн үр ашгийг сайжруулах, эрүүл мэндийн салбарт ажиллагсдын орлогыг нэмэгдүүлэх зорилгоор аймаг, нийслэлийн Эрүүл мэндийн газар, эрүүл мэндийн байгууллагын дарга, захирал нарт ДААЛГАХ нь:

Нэг. Үйлчилгээний хүртээмжийг сайжруулах тухай

1. Ажлын цаг ашиглалтыг сайжруулж, амбулаторийн зарим кабинетын үйлчилгээг ажлын өдрийн 16 цаг 30 минутаас өмнө зогсоож байгаа байдалд хяналт тавьж, үйлчилгээний тасралтгүй байдлыг сайжруулах;
2. Ачаалалтай байгаа тусламж үйлчилгээнд эмч, сувилагч нарыг сэлгэн ажиллуулж, ажлын цагийн нягтралыг сайжруулах;
3. Эмнэлгийн мэргэжилтний ажлын ачааллыг тэнцвэржүүлэх зохион байгуулалтын оновчтой арга хэмжээг авч хэрэгжүүлэх;

Хоёр. Төлбөртэй тусламж үйлчилгээний тухай

4. Эрүүл мэндийн тусламж, үйлчилгээний ачааллыг тэнцвэржүүлэх зорилгоор амралтын өдрүүдэд төлбөртэй тусламж, үйлчилгээ үзүүлэх арга хэмжээг “Төлбөрийн жишиг хэмжээ, журам батлах тухай” Сангийн сайд, Эрүүл мэндийн сайдын 2017 оны 7 сарын 27-ний өдрийн 264/A/293 тушаалаар батлагдсан журмын дагуу оновчтой зохион байгуулах;
5. Төлбөртэй тусламж, үйлчилгээний талаар холбогдох тушаал, шийдвэр, үйлчилгээний цагийн хуваарийг ил тод байршуулах;
6. Амралтын өдрийн төлбөртэй тусламж, үйлчилгээг иргэн өөрийн хүсэлтээр сонгох боломж, цаг товлот, түүний зохион байгуулалтын талаарх мэдээллийг иргэдэд ойлгомжтой хэлбэрээр хүргэх;
7. Амралтын өдрийн төлбөртэй тусламж, үйлчилгээнээс орсон орлогыг ажиллагсдын нийгмийн асуудлыг шийдвэрлэхэд зарцуулах зохион байгуулалтыг хийж ажиллах;

080011

8. Албан даалгаврын хэрэгжилт, үр дүнгийн тайланг заалт тус бүрээр, улирал тутам гаргаж тус яамны Хяналт-шинжилгээ, үнэлгээ, дотоод аудитын газарт ирүүлэхийг тус тус даалгаж байна.

САЙД



Д.САРАНГЭРЭЛ